

HARVARD-YENCHING LIBRARY
HARVARD UNIVERSITY
2 DIVINITY AVENUE

From From Countway Lib.

OCT 31 1999

赤水玄珠第十八卷目錄

痰證

傷食

虛煩

脚氣

傷寒用藥法則

六經用藥法

傷寒看證大畧

一提金脈要



截江綱論脉

傷寒撮要論脉

六經圖正治法

煎藥法

劫病法

製藥法

目錄終

赤水玄珠第十八卷

新安生生子孫一



痰證

外證增寒壯熱惡風自汗胸滿氣上衝咽不得息

頭不疼項不強若涎多者亦隱：頭疼脉有寸

浮者亦有寸伏者以意叅之柴胡半夏湯金沸

草散大半夏湯氣上衝瓜蒂散吐之

此亦風痰証也如食

積痰虛損痰不用此藥

傷食

亦頭疼惡寒身熱但左手脉平和右手脉緊盛知
為食大橘皮二陳湯心腹滿脹大柴胡湯下之
胸滿嘔吐者瓜蒂散吐之

亦夾食傷寒也全傷食者恐不可用柴胡

虛煩

諸虛煩熱與傷寒相似但不惡寒頭不疼身不痛
為異耳表既虛不可汗裏不實不可下叔和云
虛煩有熱不可攻

脚氣

傷寒傳足不傳手所以寒濕之氣蒸于足發則類

傷寒其証頭疼身熱肢節痛大便閉或嘔但初
病時起于脚膝屈弱不能移動為異耳感於寒
所忌必冷越婢小續命湯入生姜汁最妙感于
暑所患是熱小續命去附子減桂一半脚腫木
瓜散楨榔散大便秘脾約丸

論傷寒用藥法則

標本逆從之既明五劑之藥須用識且如表汗用
麻黃無芎白不發吐痰用瓜蒂無豉不湧去實
熱用大黃無枳實不通溫經用附子無乾姜不

熱甚則以泥清水加菹白煎之竹瀝無姜汁不能行經絡蜜道無皂角不能通秘結非半夏姜汁不能止嘔吐非人參竹葉不能止虛煩非小柴胡不能和解表裡非五苓散不能通利小便非天花粉乾葛不能消渴解肌非人參麥門冬五味不能生脉補元非犀角地黃不能止上焦之吐衄非菴仁承氣不能破下焦之瘀血非黃耆桂枝不能實表間虛汗非茯苓白朮不能去濕助脾非茵陳不能去黃疸非承氣不能制定

發狂非枳桔不能除痞滿非陷胸不能開結胸非羌活不能治四時之感冒身疼非人參敗毒不能治春溫非四逆不能治陰厥非人參白朮不能化斑非理中烏梅不能治蚘厥非桂枝麻黃不能除冬月之惡寒熱隨汗解非姜附湯不能止陰寒之泄利非大柴胡不能去實熱之妄言陰陽咳嗽上氣喘息用加減小青龍分表裡而可汗下此傷寒用藥之大法也

陰經用藥格法

太陰脾土性惡寒溫非乾姜白朮不能燥溫也
少陰腎水性惡寒燥非附子不能溫潤
厥陰肝木藏血榮筋非芍藥甘草不能滋養此經
常之道

治傷寒看證大畧

凡證有頭疼惡寒皆是傷寒無則皆否也何則蓋
傷寒則惡寒傷食則惡食理固然也但風從上
來吹先受之寒從下來吹先受之風與寒常相
因而感冒之時則又不同及其証之外見者則

一也

一提金脉要

人之陰陽即為先天人之氣血即為後天脉者非
血非氣乃血氣之先即營行之道路又問曰既
知先後天之脉理須明持脉之要曰舉曰按曰
尋三字若此不明即陰陽表裡虛實何以別之
持脉者輕手循之曰舉重手取之曰按不輕不
重委曲求之曰尋

截江網論脉

雜病以絃為陽傷寒以絃為陰雜病以緩為弱傷
 寒以緩為和兩手無脉曰双伏一手無脉曰单
 伏必有正汗也寸口陽脉中或見沉細者但無
 力者為陽中伏陰尺部陰脉中或見沉數者為
 陰中伏陽寸口數大有力為重阳尺部沉細無
 力為重陰寸脉浮而有力主寒邪表實宜汗浮
 而無力主風邪表虛宜實尺脉沉而有力主陽
 邪在裡為實宜下無力主陰邪在裡為虛宜温
 寸脉弱而無力切忌發吐尺脉弱而無力切忌

汗下初按來疾去遲名曰內虛外實去疾來遲
 名曰內實外虛尺寸俱同名曰緩：者和而生
 也汗下後脉靜者生躁亂身熱者死乃邪氣勝
 也温之後脉來歇至者正氣脫而不復生也純
 絃之脉名曰負：者死按之解索名曰阴阳離
 離者死陰病見陽脉者生陽病見陰脉者死
 傷寒掇要論脉

左右手脉俱急緊盛是夾食傷寒右手脉來空虛
 左手脉來緊盛是勞力傷寒左手脉來緊右手



洪滑或寸脉沉伏身熱惡寒隱々頭痛喘咳煩
 悶胸脇躄痛是夾痰傷寒左手脉來緊瀉右手
 脉沉數心胸脇下小腹有痛處是血鬱內傷外
 感六經圖及傷寒撮要一提金六經正治捷法
 是太陽經委中穴在脰中央約紋動脉陷中脰中
 央即膝後相對腿灣中也目內眥在面前眼內
 边神庭在中間額上額々角也

此圖玉枕至陰二穴膀胱經穴也風府穴督脉穴也膀胱與督脉會于頂顛連於風府太陽症項強故併及之

足太陽膀胱經圖頭為諸陽之首故多傳變受病為先也其脉起于目内眦從頭下至項連風府行身之背終于足也其証頭項痛項強腰疼骨節痛經曰太陽頭痛脉浮項背強而惡寒嘔逆身疼或已發熱或未發熱者俱宜發表不可輒下之表邪乘虛内陷傳變不可勝數又不可利

小便利之則引熱入裡其害不淺若本病煩熱小便不利者乃利之則不禁如小便自利如常則不可利也凡有汗不得再發汗多不得利小便

足太陽起于目内眦上額過神庭弯至玉枕過項夾背脊由後廉而下至小趾外側至陰穴止

太陽經見證法

假如先起惡寒者本病已後發熱者標病若有一毫頭痛惡寒身熱不拘日數多少便宜發散自

然熱退身涼有何變証

此處寒熱標本指病之先後言上文本病煩熱之本字指六經標本言不可混看

辯証法

表裏自汗者為風傷衛氣宜實表、實無汗者為寒傷營血宜發表


診脉法

診脉大凡皮膚之下輕手按之便得曰浮脉浮緊有力為傷寒脉浮緩無力為傷風

用藥法

冬月正傷寒用升陽發表湯即加減麻黃湯冬月傷風用疎邪實表湯即加減桂枝湯春秋無汗用羌活中和湯發表有汗用加減中和湯實表腹痛小建中湯痛甚桂枝加大黃湯夏月無汗用神木湯有汗用前加減中和湯

足陽明經



梁丘穴在膝蓋骨上三寸

此圖神庭穴督脉穴也陽明經神庭過故載之
 足陽明胃經圖乃兩陽合明于前也一曰府者居
 中土也萬物所歸也其脉起于鼻額上頭額絡
 于目循于面行身之前終于足也經曰傷寒二
 日陽明脉大又曰尺寸俱長者陽明受病也
 足陽明起于鼻兩傍上頭維從乳中近外傍而下
 前廉梁丘穴至大趾次趾之端厲兌穴止
 陽明經見証法
 頭額痛目痛鼻乾不眠微惡寒是足陽明胃經受

病假如先起目痛惡寒身熱者陽明經本病已
後潮熱自汗譫語發渴大便實者正陽明胃府
標病夫本宜解肌標宜急下看消息用之

辯證法

目痛鼻乾微惡寒身熱病在經潮熱自汗譫語發
渴便實不惡寒病在腑

診脉法


按至皮膚之下肌肉之間畧重按之乃得之脉見
微洪為經病按至筋骨之間重按之乃得脉見

沉數為腑病

用藥法

微惡寒自然目眶痛鼻乾不眠者用柴葛解肌湯
即加減葛根解肌湯渴而有汗不解者如神白
帟湯即加減白帟湯潮熱譫語發渴揭去衣被
揚手擲足斑黃狂亂不惡寒反怕熱大便實者
輕則大柴胡湯重則三承氣湯選用俱在秘方
六一順氣湯加減治之

足少陽經



足少陽膽經其脉起于目銳眦皆上頭角絡耳中
 胃脇行身之側終于足也前有陽明後有太陽
 居二阳之中所以居半表裡經曰尺寸俱弦者
 足少阳受病其證頭痛目眩口苦腦滿耳聾脇
 痛或心煩喜嘔或胸中煩悶而不嘔或心下病
 鞭或寒熱往來或發熱寅申時尤盛或身微熱
 者皆少阳也凡頭角痛耳中痛耳中烘而鳴
 耳之上前後腫痛皆少阳所主部分其火為之
 也若口苦者少阳之膽熱脇下鞭者少阳之結

也

足少阳起于目锐眦上頭角絡耳中過乳天一曰從
兩脇田外廉而下至小指次指之端數日六止
以經見證法

假如先起惡寒身熱耳聾脇痛者太熱已後嘔而
言乾口苦者標病緣胆無出入病在表半裡
之間止宜小柴胡湯加減和解表任治之再無
別湯本方有加減法此經有三禁一可汗下利
也若治之得法有何壞証當須識

辯證法

耳聾脇痛寒熱嘔而口苦舌乾便屬半表半裡証
不從標本從乎中治

診脉法

按至皮膚之下肌肉之間畧重按之乃得脉見弦
數本經

用藥法

耳聾脇痛寒熱嘔而口苦舌乾者用柴胡雙解飲
即加減小柴胡湯若阳明少阳合病則脉弦而

長此湯加葛根芍藥

足大陰經



大白
大都
隱白

此圖臚中穴任脉穴也太陰脉過此故載之

足太陰脾經圖脾為中榮宮之坤土也其脉始于

足大指上行至腹絡于噤連舌本行身之前也

若寒邪卒中直入本經者一時便發腹痛或吐

或利宜溫之如四日而發腹滿噤乾者此傳經

之邪也宜和之若太陽病下之早因爾腹痛者

此誤下之而傳也凡治太陰症自利不渴脉沉

細手足冷急溫之若脉浮者可發汗宜桂枝湯

主之若發熱脉數者少陽之邪未解小柴胡湯

主之如自利不渴者臟有寒也宜理中湯甚者
加附子重則回陽救急湯即加減四逆湯腹滿
嘔吐食不下者宜治中湯手足冷脈沉細者宜
四逆湯若傳經邪熱內陷腹痛者宜桂枝芍藥
湯主之

八陰從足大趾隱白穴由內廉而上環小腹上
孔內傍臆中其別從乳外近厥陰而上至喉下
迎止

凡口經傳來之邪終是陽明腑証皆不當
不可用桂枝只三承氣選用其用桂枝者中
在陰經未入陰府也

太陰經見證法

腹滿自利津不到咽手足溫者是足太陰脾經受
証假如先起腹滿咽乾者本病已後身目黃標
病內有寒熱所分不可混治臨病之際用在得
宜

辯証法

腹滿咽乾發黃者屬腑熱自利不渴或嘔吐者屬

臟寒

診脉法

重手按至肌肉之下筋骨之間方得脉沉而有力
宜當下脉見沉而無力宜當温

用藥法

腹滿咽乾手足温腹痛者桂枝大黃湯即加減桂
枝湯身目黃者茵陳大黃湯即加減茵陳湯自
利不渴或嘔吐者加味理中飲重則回阳急救
湯即加減四逆湯

足少陰經



足少陰腎經圖為人身之根蒂也其脉始于足心上行貫脊循喉絡舌本散舌下注心中行身之前也若因慾事腎虛者寒直中之也其証一二日便發故發熱脉沉足冷或惡寒倦則宜溫經散寒若五六月而發躁舌乾者此傳經之熱邪宜急下之恐腎水乾也如其脉沉細足冷者不可下急溫之脉沉疾有力者乃可下之凡少陰飲水而小便色白者下虛有寒引水自救非熱宜溫之蓋少陰傷寒多因勞傷腎經之所致

有緊有慢其害甚速宜溫之不可以寒涼之藥妄投之也但脉沉足冷雖發熱者急宜溫腎以扶元氣

足少陰起于足心湧泉穴由內廉而上在太陰經之後行入乳內傍近臆中至喉下人迎止

少陰經見證

假如先起舌乾口躁者本病已後譎語大便實者標病至陰經則難拘定法或可溫而或可下因分直中者寒証傳經者熱症是其發前人之所

未發也


診脉法

重手按至肌肉之下筋骨之間方得脉見沉實有力宜當下脉見沉遲無力宜當溫

用藥法

口燥咽乾渴而譫語大便實或遠臍鞭痛或下利純清水心下鞭痛者俱是邪熱燥屎使然急用六一順氣湯分輕重下之即承氣湯有加減法無熱惡寒厥冷勑胃不渴或腹痛嘔吐瀉利沉重或陰毒手指田唇青嘔逆絞痛身如被杖回如刀刮戰慄者俱是寒邪中裡使然急用回陽救急湯溫之即口逆湯月加減法

足厥陰經



此圖一經從缺盆下乳上入裏會於頂眼

足厥陰肝經圖厥者尽也六經之尾也其脉起於

足大指上環阴器抵小腹循脇肋上口唇與督

脉會于巔頂行身之前側也若本經不足寒邪

直中之也一日便發吐利小腹痛寒甚者唇青

厥冷囊縮急宜温之并著艾灸丹田氣海以温

之若六七日發煩滿囊拳者此傳經熱邪厥深

熱亦深也若脉沉疾有力者宜急下之若脉微

細者不可下也凡傷寒傳至厥陰經則病勢極

矣然死生在於頃臾可不謹察之也大抵熱深厥亦深則舌卷囊縮陰寒冷極亦舌卷囊縮也當要仔細而辯其冷熱之治其法微夫

足厥陰起足大趾大敦穴由內廉而上在太陰經之前行入小腹過脇下從乳外傍彎入乳內傍至中脘而止其入裏行者會于巔頂也圖內不載

厥陰經見證法

假如先起消渴煩滿者本病已後舌卷囊縮者標

病亦有寒熱兩端不可驟作熱治

辯證法

煩滿囊拳消渴者屬熱口涎沫不渴厥冷者屬寒似瘧不嘔清便必自愈

用藥法

消渴煩滿舌卷囊縮大便實手足乍冷乍溫者急用六乙順氣湯下之即承氣湯有加减法口吐涎沫或四肢厥冷不溫過乎肘膝不渴小腹絞痛嘔逆者急用茱萸四逆湯即回陽救急湯有

加減法

煎藥法

一 發汗藥先煎麻黃一二沸後入餘藥同煎

一 止汗藥先煎桂枝

一 和解藥先煎柴胡

一 下藥先煎滾水入枳實

一 溫藥先煎乾姜

一 行血藥先煎桃仁

一 利水藥先煎豬苓

一 止瀉藥先煎炒白朮

一 消渴藥先煎天花粉

一 止痛藥先煎白芍藥

一 發黃藥先煎茵陳

一 發斑藥先煎青黛

一 發狂藥先煎石羔

一 止嘔藥先煎半夏

一 勞力感寒先煎黃芪

一 濕証藥先煎蒼朮

一感冒傷寒先煎羌活

一暑症藥先煎香薷

一瘧病藥先煎防風

一腹如雷鳴藥先煎煨生姜

已上俱以主病者先煎餘藥俱後入同煎

劫病法

一傷寒發狂奔走人難制伏先於病人處生火一
盆用醋一碗傾於火上其烟冲入鼻內即安方
可察其陽狂陰跡親切用藥無差若初起頭疼

發熱惡寒方除已後登高而歌棄衣而走踰牆
上屋罵詈叫喊大渴欲死脉來有力乃因邪熱
傳裏陽盛發狂當用寒藥下之此為陽狂凡見
舌卷囊縮者不治若病起無頭疼身微熱面赤
戴阳煩躁脉來沉微無力欲坐卧於坭水中乃
因寒熱而發躁手指甲面色青黑冷汗不止心
腹結鞭如石躁渴欲死即陰証似陽當用熱藥
温之此為陰躁凡見厥冷下利譫語者不治須
詳脉來有力無力此為良法

一傷寒腹中痛甚將凉水一盞與病人飲之其痛
稍可者屬熱當用涼藥清之清之不已而或透
臍鞭痛大便結實煩渴屬燥尿急用寒藥下之
若食痛同治法若小腹鞭痛小水自利大便黑
身目黃者屬蓄血亦用寒劑加行血藥下尽黑
物則愈此三者皆痛隨利減之法也若飲水愈
加作痛屬寒當用溫藥和之和之不已而或四
肢厥冷腹痛嘔吐瀉利急用熱藥救之須詳脉
來有力無力此為良法

一傷寒直中陰經真寒証甚重而無脉或吐瀉脫
元而無脉用好酒姜汁各半盞與病人服之其
脉來者可治當察其脉用藥不拘脉浮沉大小
但指下出見者生如用此法脉不至者必死又
當問病人何處有痛証要知痛甚者脉必伏宜
隨病制宜方為吉兆如無痛証用此法而脉不
至者不為吉兆尤當問病人若平素原無正取
脉須用覆手取之脉必見也此屬反關脉診法
與正取法同若平素正取有脉後因病診之無

脉者亦當覆手取之而脉出者阴阳錯乱也宜和合阴阳如覆取正取俱無脉者必死此為良法

一傷寒舌上生胎不拘滑白黃黑俱用井水浸青布片於舌上洗淨後用生姜片子時：醮水刮之其胎自退凡見舌生黑胎芒刺者必死此熱毒入深十有九死是腎水尅心火也若發黃者用生姜粗時：週身擦之其黃退若心胸脇下有邪氣結實滿悶鞭痛用生姜一斤搗粗去汁

炒微燥帶潤用絹包於患處款：熨之稍可又將粗和勻前汁炒乾再熨許久豁然寬快俱為良法

一傷寒鼻衄成流久不止者將山梔炒黑為細末吹入鼻中外將水紙搭於鼻冲其血自止若點滴其血不成流者其邪在經未解照後秘方用藥不在此法

一傷寒熱邪在裏服轉藥後鹽炒麩皮一升將絹包於病人腹上款：熨之使藥氣得熱則行大

便易通矣

一傷寒吐血不止用韭汁磨京墨呷下其血見黑必止如無韭汁用鷄子清亦可正謂赤屬火而黑屬水也

一傷寒直中陰經真寒証或陰毒証身如被杖腹中絞痛嘔逆沉重不知人事四體堅冷如石冰指甲唇青藥不得入口六脉沉細或無脉欲絕者將葱縛一握切去根葉取白三寸許如餅先用麝香半分填於臍中後放葱餅於臍上以火

熨之連換二三餅稍醒灌入生姜汁煎服回陽救急湯如不醒再灸關元氣海二三十壯使熱氣通其內逼邪出于外以復陽氣如用此法手足溫和汗出即醒者為有生也如用此法手足不溫汗出不省人事必死

一傷寒熱病熱邪傳裏亢極無解用黃連煎水一盞放井中頓冷浸青布搭于胸中徐徐換之待熱勢稍退即除不可久漬夏月用此法冬月不宜用

一傷寒服藥轉吐出不納者隨用竹管重捺內關
後將生姜自然汁半盞熱飲其吐即止大凡服
寒藥熱飲熱藥寒飲中和之劑溫服之如要
取汗雖辛甘之劑亦宜熱服如要止汗雖辛甘
溫之劑亦宜溫服此為良法

內關中掌後腕二寸厥陰心包相火之經

一中風痰厥昏迷卒倒不省人事欲絕者先用皂
莢末摵紙燒烟沖入鼻有嚏可治隨用吐痰法
用皂莢末五分半夏白礬各三分為細末薑汁

調服探吐後服真痰湯加減治之無嚏不可治
此為良法

一治乾霍亂不得吐者用滾湯一碗入皂莢末三
分鹽一撮調服探吐切莫與米湯與之即死是
穀氣反助邪氣也

一中寒卒倒昏迷不醒者先用熱酒姜汁各半盞
灌入稍醒後服加味理飲中為効如不飲酒人止
用姜汁灌之依此法調治冬月有之餘月不多
見

製藥法

一用附子去皮臍先用鹽水姜汁各半盞用砂鍋煮七沸後入黃連甘草各半兩再加童便半盞再煮七沸住火良久撈起入磁器盛貯伏地氣一晝夜取出晒乾以備後用庶無毒害頂圓臍正一兩一枚者佳

一用川大黃須錦紋者佳剉成飲片用酒拌均燥乾後用不傷陰血如年壯實熱者生用不須製一用麻黃去節先滾醋湯畧浸片時撈起以備後

用庶免大發如冬月嚴寒腠理至密當生用不須製

一用吳茱萸將鹽水拌均炒燥庶無小毒

一用附子後身目紅者乃附子之過用蘿蔔搗水瀉汁二大盞入黃連甘草各半兩犀角三錢煎至八分服之以解附子毒其紅即除如解遲必血從耳口鼻出者必死無蘿蔔用蘿蔔子搗水取汁亦可如無蘿蔔子用澄清坭漿水亦可也一用大黃後瀉利不止者用烏梅二枚炒粳米一

撮乾姜二錢人參炒白朮各半兩生附子皮一錢半甘草一錢升麻少許灯心一握水二大鍾煎之去渣後入炒陳壁土一匙調服即愈取土氣以助胃氣也

一用麻黃後汗出不止者將病人髮披水盆中足露出外用炒糯米半升龍骨杜囑藁本防風各一兩為細末周身撲之隨後秘方用藥免致亡阳而死此為良法

羌活冲和湯 治太陽傷風有汗脉浮緩

羌活 白芷 黃芩 甘草各半 防風 白朮

生地各一錢半 川芎五分 右如前煎法若一服汗仍

未止加黃耆一錢半芍藥一錢仍未止以小柴

胡加桂枝芍藥各一錢

葛根湯 治太陽陽明項背強急無汗惡風脉帶

弦浮而發熱又治太陽與陽明合病必自利此

湯並主之 葛根錢一 甘草 麻黃各二錢 去節湯泡二次

水二鍾姜四片棗二枚煎畧微燾取汗

獨活散 治傷寒溫熱等症

羌活 獨羌 防風 枳壳 黃芩 麻黃泡

人參 細辛 茯苓 炙甘草 蔓荊子

甘菊花 石膏 水二鍾姜三片薄荷五葉

煎

敗毒散 治傷寒溫疫風溫頭目昏眩四肢疼痛

增寒壯熱項強口睛疼尋常風眩拘急

羌活 獨活 前胡 柴胡 川芎 枳壳

桔梗 茯苓 人參 甘草各等分

水二鍾如常煎服

六神通解散

麻黃 黃芩 滑石各二兩 石膏一兩 甘草半兩

蒼朮四兩 治時行三日前加葱白香豉煎服而

汗之立効中病即止不可尽劑

升麻湯 治傷寒中風頭疼增寒壯熱肢躰疼痛

發熱惡寒鼻中乾不得卧兼治寒暄不時人多

疾疫及暴熱之證忽然變寒身躰疼痛頭重如

石 升麻 甘草 芍藥 葛根各等分

每服七八錢煎如常法若老人去芍藥加柴胡

茯苓人參各一錢

五積散 治陰經傷冷脾胃不和感冒寒邪

蒼朮二十桔梗十二陳皮八白芷各四茯苓各四

甘草四枳壳炒各五肉桂五人參各二川芎各二

厚朴半夏半芍藥各二當歸各二麻黃各三乾姜各三

右十六味除枳壳肉桂陳皮其餘共一處生搗為粗末用酒拌勻晒干分作六分大鍋內文武火炒令黃色不得焦擲冷入殼桂陳皮和勻每服五錢水二鍾姜三片煎一鍾服

婦人血風証因崩漏大脫血或前後血因而涸燥

其熱未除尋衣摸床撮空閉目不省人事揚手擲足搖動不安錯語失神脉弦浮而虛內有燥熱之極氣粗鼻乾而不潤上下通燥此為難治宜服生地黃黃連湯

治男子去血多亦有此症其妙不可容言

生地黃黃連湯

川芎 生地 當歸各七赤芍藥 梔子

黃芩 黃連各三防風

每服五錢水煎清飲徐徐呷之如脉實可加大黃下之大承氣湯氣藥也自外而之內者用之生地黄連湯血藥也自內而之外者用之氣血合病循衣撮空治同

自氣而之血而復之氣者大承氣湯下之自血而之氣而復之血者生地黄連湯者俱不大便此是承氣湯對子又與三黃石膏湯表裏皆是三焦胞絡相火之用也病既危急只得以此湯降血中火耳不拘婦人男子去血過

多而有此症者皆宜服之無不効者

秘用三十七方就註三十七槌法

升麻發表湯 即麻黃湯附加減法

治冬月正傷寒頭疼發熱惡寒脊強脉浮緊無汗為表症此足太陽膀胱經受邪當發汗以頭如斧劈身如火熾者宜此湯有汗者勿用

麻黃 桂枝 甘草 杏仁 升麻 川芎

防風 白芷 羌活

本經發熱惡寒頭痛無汗而喘者本方加干葛

去升麻

本經發熱惡寒身軀痛者本方加蒼木芍藥去杏仁

本經惡寒發熱身痒面赤者以其不得小便出故也本方去白芷升麻杏仁加柴胡芍藥

本經頭痛發熱惡寒胸中飽悶者本方加枳壳桔梗

本經感寒深重服湯不作汗者再宜服至二三劑而汗不出者死

本經汗後不解者宜再服量症輕重用麻黃升麻分多寡為當

水二鍾姜三片葱白二莖槌法加江西豆豉一撮煎之熱服取汗有神宜厚被覆首凡中病即止不得多服多則反加別病

踈邪實表湯 即桂枝湯附加減法

治冬月正傷風頭痛發熱惡寒脊強脉浮緩身汗為表症此足太陽膀胱經受邪當實表散邪無汗者不可服

桂枝 芍藥 甘草 防風 川芎 羌活

白朮 如汗不止加黃芪 喘加杏仁 紫蘇

胸中飽悶加枳殼桔梗

水二鍾姜三片枣二枚槌法加膠飴二匙

羌活冲和湯 以代桂枝麻黃青龍各半

太陽經之神藥也

治春夏秋非時感冒暴寒頭痛發熱

無汗脉浮緊上足大阳膀胱經受邪

發散不與入 傷寒司治此

吳寒春可治 夏可治熱秋可治

有神也冬寒亦可用惟黃冬須整

羌活 蒼朮 錢各半 防風 黃苓 川

甘草 生地黃 錢各一 細辛 五分

水二鍾煎八分熱服温被盖取微汗

天加蒼朮一錢五分天久淫雨亦加如

膏三錢知母一錢不渴不加冬月禁之

如胸中飽悶加桔梗枳殼去生地

夏月加石膏知母名神木湯如服此湯後不

汗本方加蘇葉喘而惡寒身熱本方加杏仁生
地汗後不解宜服粟汗下兼行加大黃乃釜底
抽薪之法

其春夏秋感冒非時傷寒亦有頭疼惡寒身熱
脉浮緩自汗宜實表本方去蒼朮加白朮汗不
止加黃芪即加減冲和湯再不止以小柴胡加
桂枝芍藥一錢有神

槌法姜三片枣二枚煎至一鐘加葱白搗汁五
是再煎一二沸如發汗熱服止汗溫服

柴葛解肌湯

即葛根湯附加減法

治足陽明胃經受邪目痛鼻乾不眠微頭疼眼
眶痛脉來微洪宜解肌屬陽明經病其正陽明
腑病別有治法

柴胡

葛根

甘草

黃芩

芍藥

羌活

白芷

桔梗

本經無汗惡寒甚者去黃芩加麻黃冬月宜加
春宜少夏秋去之加蘇葉

本經有汗而渴者治法在如神白虎湯下即白

席湯

水二鍾姜三片棗二枚槌法加石膏末一撮煎之熱服

柴胡蘄解散

即小柴胡湯附加減法

足少陽膽經受證耳聾脇痛寒熱嘔而口苦脉來弦數屬半表半裏宜和解此經無出入有三禁不可汗下利也止有小柴胡一湯隨病加減再無別湯

柴胡

黃芩

半夏

甘草

人參

陳皮

芍藥

若只小柴胡湯無芍藥

本經症小便不利加茯苓

脇痛加青皮

本經嘔者入姜汁竹茹

痰多加瓜蒌貝母

寒熱似瘧加桂 渴加天花粉知母

齒燥無津液加石膏 嗽者加五味金沸草

壞症加鱉甲

本經症心下飽悶未經下者非結胸乃表邪傳至胸中未入乎腑證雖滿悶尚為在表只消小柴胡加枳梗未効就以本方對小陷胸加枳桔

一服虛煩類傷寒証本方加竹葉炒粳米

本經與陽明合病本方加葛根芍藥

婦人熱入血室加當歸紅花

男人熱入血室加生地黃

老婦人傷寒無表証其熱勝者本方加大黃甚

者加芒硝

水二鍾姜一片棗二枚搗法加生艾汁三匙煎

之溫服

小柴胡湯證註釋

